

滇繫書目

趙州師 範荔屏纂輯

土司二冊下

雲南府

二

曲靖府

一

臨安府

三

潞江府

一

廣南府

二

元江州

二

開化府

一

昭通府

一

大理府

十

楚雄府

八

姚州

一

鶴慶州

四

順甯府

二

永北廳

四

麗江府

一

蒙化廳 二

景東廳 四

永昌府 七

騰越土司 南甸 隴川 干崖 蓋達猛卯腳撒

騰越舊轄四土司 明光隘 大塘隘 古勇隘 遮放

騰越邊外三土司 孟養 孟密 木邦



此書乃
大梁
古
...

滇繫

土司繫

趙州師 範荔屏纂輯

雲南府

羅次縣煉象關土巡檢元時李熠爲防送千戶明洪武中從
征歿於陣錄其子阿白爲巡檢傳十一世至李文秀 本朝
平滇文秀投誠仍授世職文秀死子廉傑襲廉傑死叔昆秀
襲昆秀死子廷傑襲廷傑死子清臣襲

祿豐縣南平關土巡檢元時李喜奴爲土官明洪武中子李
矣以宣諭各蠻陞巡檢六傳至李印以征阿克死於陣無子

以李矣次子李羅綺之第六世孫李惟賢襲惟賢死子楚南襲
本朝平滇楚南投誠仍授世職楚南死無子公舉以嫡
支李印之同祖弟惟白襲惟白死子文南襲文南死子天渥
襲天渥死叔秀南襲秀南死孫毓俊襲

曲靖府

平彝縣土縣丞元末龍海爲土官明洪武中歸順改其地爲
越州以海知州事及海子阿資叛伏誅其地分屬霑益陸涼
永樂初資子祿甯詣闕奉貢詔授甯土縣丞與亦佐沙氏分
土而居傳至海潮以功加土州判沿至自明子闊本朝平

滇闊投誠仍予世職康熙八年裁縣安插闊於越州闊死子
細乾襲細乾死弟納乾襲二十四年改平彝土縣丞納乾死
一清襲一清死從弟藏珍襲

臨安府

納樓茶甸土副長官司明初普少歸附授副長官歷傳十一
世至普率 本朝平滇普率投誠仍授世職康熙四年率附
王祿叛官兵討之乞降赦之以子向化襲向化死子仁襲仁
死子天民襲

虧容甸土副長官司元時阿附爲虧容甸部長明洪武中歸

附賜姓孫授正長官司傳九世至孫大昌 本朝平滇大昌
投誠授副長官司世職大昌死子永祚襲永祚死子世基襲
納更山土巡檢明洪武中龍嘴以開荒有功給冠帶管理地
方尋授土巡檢傳子龍政沿至龍統龍昇龍天正 本朝平
滇天正投誠仍授世職天正死子在田襲在田死子躍襲

澂江府

新興州土州判 本朝康熙十九年復滇新興州土人王鳳
授偽遊擊職迎至廣西路投誠隨剿石門坎馬別河黃草壩
皆有功授土州判世職鳳死子迪吉襲迪吉死子遴襲

廣南府

士同知元時儂郎舉爲宣撫有二子長不花次正祐明初不
花子郎金歸順授土同知死無嗣正祐襲後以罪死至洪熙
時儂郎舉緣事降爲通判郎舉死子印舉襲正統中以征麓
川功復同知傳至文舉歷有戰功文舉死應祖襲從官兵征
三鄉親獲賊首阿機等賜白金百鎰後又以征吐蕃尋甸功
賜四品服應祖死子紹周襲隨征東川尋甸有功授土知府
紹周死子鵬襲 本朝平滇鵬投誠授同知世職鵬死子繩
英襲繩英死子振紀幼妻嚴氏撫孤攝事振紀旋死庶子振

裔辦理地方事務

土富州知州元時沈郎先爲富州安甯二州土官子永秀梁王署爲元帥明洪武中永秀歸附尋死子大忠嗣守邊有功授知州傳十四世至崑瑞本朝平滇崑瑞投誠仍授世職後以罪黜弟崑城攝襲尋死姪肇乾襲雍正八年以犯法革職委其子燦學習辦事

元江州

新平縣土縣丞楊宗周舊係曾魁山賊目本朝康熙二十七年臨安知府黃明同總兵馬山招撫向化授宗周土縣丞

世職宗周死子世恩襲世恩死子昌祚襲

了味二巡檢普爲善舊係魯魁山賊目於

本朝康熙二十

七年同楊宗周受知府黃明招撫授土巡檢世職爲善死子

永昌襲永昌死子成忠襲

開化府

土經歷周應龍本開化府猓獠

本朝康熙十九年大師復

滇以僞守備投誠從征石門坎黃草壩有功給以總兵劄付
於康熙二十二年改授土經歷准其世襲應龍死子榮昌襲

榮昌死子天爵襲

昭通府

永善縣阿興土千戶阿興土夷安永長於 本朝康熙三十

四年以化諭苗蠻有功授阿興土千戶給印信駐防檜溪雍正六年米貼祿氏吞都德昌叛永長奉文堵截擒獲德昌等八年德昌土舍木谷四哥等從烏蒙叛挾怨共殺永長子天桂襲

鎮雄州土知州原爲芒部路隴氏世爲酋長明初設芒部府隸雲南洪武十六年改爲芒部軍民府隸四川仍以隴氏爲知府嘉靖三年隴政隴壽兄弟爭立改設流官改芒部爲鎮

雄軍民府七年夷酋普奴等叛平之仍令壽子勝襲知府職
勝傳子清清傳子來鳳來鳳死妻祿氏更名隴應祥辦理府
事水西酋叛應祥有保固功授貴西道卒封正議大夫子懷
玉襲授太僕卿懷玉卒子鴻勳襲 本朝平蜀鴻勳投誠仍
授世襲傳至天成聯嶽聯嵩聯嵩死子慶侯襲雍正五年烏
蒙叛以藏匿奸匪革職配江西改土府爲州設流官隸雲南

大理府

趙州定西嶺土巡檢元末李清宇爲彌只防守千戶明洪武
十七年歸順授土巡檢傳至李齊月無子弟齊斗襲 本朝

平滇齊斗投誠仍授世職齊斗死子聳孫天成襲天成死子
紹廷襲

雲南縣土縣丞明洪武十六年征雲南有楊奴者率衆歸附
授土縣丞正統三年楊宗以從征麓川功累陞知縣嘉靖十
三年楊訓以奉拘景東土知府陶炳被許仍降縣丞及鳳氏
叛訓戰歿詔立祠表其忠萬厯中楊如檀隨征麓川以忠勤
著及死子淇襲淇死子玉蘊襲 本朝平滇玉蘊子岳投誠
仍授世職傳子肇基襲肇基死子國泰襲國泰死弟國臣襲
土主簿元末有張興者張樂進求之後世爲品甸千戶明洪

武中大兵下楚雄興首倡効順爲鄉導招徇民降獻甲馬後
又攻石寨有功授土主簿與楊氏分土而居沿至張綱死子
福曜福星遞襲皆無嗣弟張維襲 本朝平滇維投誠未幾
死以子祖蔭授世職祖蔭死子祚宏襲

鄧川州青索鼻土巡檢元末楊良爲平化州判官明克大理
以招叛功授土巡檢世襲沿至應龍無子弟應鵬襲 本朝
平滇應鵬投誠仍授世職應鵬死子鎮海襲鎮海死子國楷
襲

浪穹縣土典史明洪武中開滇土官王藥師以芻粟餉大軍

授鄧川州吏目後以征普顏篤功改浪穹典史每有征調皆以兵從沿至夢祖死子鳳洲襲本朝平滇鳳洲投誠仍授世職鳳洲死姪晉襲晉死孫之成襲

蒲陀崆土巡檢明洪武十五年指揮周能典大理衛事以土官楊順充通事招撫蒙化白崖等處授土巡檢屢建功沿至鳳階死子瞽孫爭先襲本朝平滇爭先投誠仍授世職爭先死子續鵬襲續鵬死子遺龍襲

鳳羽鄉土巡檢元末尹勝爲木邦府判明初克大理歸順破佛光寨有功授土巡檢安鳳之亂嘗從阿氏攻李鎖飛李牙